

Carlos Ridderstap, un sindicalista fiel na e clase trahado a bay laga nos

ORANJESTAD -- Habitantenan di Paradera ta conta cu casi tur hende den e bario conoce Carlos Ridderstap di un edad hoben. E tabata cana na pia di su cas pa bay yuda den Sport Club Aruba, SCA. Semper cu un sonrisa y un chasco pa pone hende hari. Su señora Lilian ta conta cu di hopi hoben Carlos a envolvi su mes den sindicalismo. Carlos a cuminsa den sindicato na aña 1982. Den e tempo aki Sindicato di Trahadonan di Aruba, S.T.A. tabata yama G.A.B.A. Dentro di algun aña ya e a bira presidente di G.A.B.A. y despu-

es e a bira varios biaha presidente di S.T.A. Hendenan cu tabata hopi cerca di Carlos ta cord'e como un hende cu ta un sindicalista ehemplar y fiel na e clase trahado.

E a lucha hunto cu su hendenan pa elimina hopi abuso contra trahadonan. Te hasta despues cu Carlos a retira e a keda como consehero di S.T.A. Hendenan cu conoce Carlos bon ta reconoce su pasion pa sindicalismo. Nos lo record'e como un casa, tata y welo ehemplar cu no obstante e cantidad grandi di tempo

cu e a hinca den sindicato, tabat'ey semper pa su famia, sin importa e circunstancia. Un bon yiu di su bario Paradera. Un sindicalista ehemplar y un ciudadano cu a dedica gran parti di su bida na e lucha pa igualdad, husticia y trato humano y digno pa e trahado.

Ta desea cu Carlos sigui su caminda den e mundo spiritual manera e a biba aki na mundo. Drumi dushi, Carlos...awo no tin mas dolor... 'Nos lo haya falta di bo sonrisa, pero nos lo no lubid'e!' ☐

